

欽定古今圖書集成經濟彙編選舉典

第九十卷目錄

下第部藝文二詩詞

途中口號	唐盧僊
送友人下第歸省	殷遙
送丘爲落第歸江東	王維
落第長安	常建
送友人東歸	劉長卿
送張翥下第歸江東	蕭穎士
送杜佐下第歸陸渾別業	岑參
醉歌行	杜甫
送鄔三落第還鄉	錢起
送褚大落第東歸	前人
贈萬生下第還吳	郎士元
落第後東遊留別	皇甫冉
落第後口號	薛據
落第後歸終南別業	盧綸
與從弟瑾同下第後出關言別	前人
送衛雄下第歸同州	李端
送魏廣下第歸揚州寧親	前人
落第歸鄉留別長安主人	豆盧復
落第	孟郊
送友人下第東歸	陳羽
送沈亞之	李賀
落第	李廓
下第東歸作	殷堯藩
送崔約下第歸揚州	姚合

送狄兼善下第歸故山下第	前人
落第後贈同居友人	前人
送張景宣下第東歸	顧非熊
送顧非熊下第歸	朱慶餘
送人下第歸	前人
友人下第因以贈之	前人
下第後上李中丞	李遠
下第	趙嘏
送裴延翰下第歸觀徐州	前人
贈薛勳下第	前人
落第	前人
下第後歸來樂里自題二首	前人
贈張漬榜頭被駁落	前人
落第寄沈詢	前人
送歸江州友人初下第	項斯
送友人下第歸襄陽	前人
落第後寄江南親友	前人
下第別郭扶	馬戴
下第寄友人	前人
下第別令狐員外	前人
下第後春日長安寓居三首	薛能
送進士許棠下第東歸	前人
聞李夷遇下第東歸因以寄贈	前人
下第歸宜春酬黃頗餞別	潘唐
下第	賈島
送友下第遊鴈門	劉駕

送厲圖南下第歸澧州	曹鄴
下第寄知己	前人
關試前送進士姚潛下第歸南陽	前人
送友人下第東遊	司馬扎
下第有感	邵謁
下第後蒙侍郎示意指於新先輩宣恩感謝	李昌符
下第戲狀元崔昭緯	張曙
春後送人下第	裴說
下第送張霞歸觀江南	李洞
送張喬下第歸宣州	前人
下第不勝其念題路左佛廟	于鄴
下第夜吟	戴衢
夫下第	趙氏
黎生下第還鄉	宋蘇舜欽
送蕭咨下第西歸	魏野
海州觀放鵲搏兔不中而飛去	沈括
送安惇秀才失解西歸	蘇軾
余與李薦方叔相知久矣領貢舉事而李不得第愧甚作詩送之	前人
秋試下第即事有感寄國鎮	歐陽澈
下第過榆次	金步元舉
族兄才卿下第後赴宜祿酒官以詩寄之	蕭貢
下第魚臺東寺	祝簡
送李天英下第	周昂
下第	王特起

冥鴻亭下第後作

田紫芝

下第

李汾

天馬歌贈炎陵陳所安

元劉詵

下第南歸別俞伯貞

祝蕃

送李伯實下第還江西

余闕

甲戌下第三月二十四日出張家灣

君房下第歸至

明陳琛

下第歸樞閣園小酌

張時微

余伯祥席上送吳黎二貢士下第歸嶺南

左國璣

思歸寄皇甫司勳

黃姬水

阻風登晴川閣予兩度遊此皆以不第歸

王穉登

下第還鄉

袁中道

上巳日作時落第客京師

許邦才

賀新郎

宋辛棄疾

念奴嬌

明丘瓊臺

下第部選句

馮惟敏

下第部紀事

宋辛棄疾

下第部外編

明丘瓊臺

選舉典第九十卷

下第部藝文二詩詞

途中口號

唐盧僊

抱玉三朝楚懷書十上秦年年洛陽陌花鳥弄歸人

送友人下第歸省

殷蓬

君此上行日高堂應夢歸莫將和氏淚滴著老萊衣

嶽雨連河細田禽出麥飛到家調膳後吟好送斜暉

送丘爲落第歸江東

王維

憐君不得意况復柳條春爲客黃金盡還家白髮新

五湖三畝宅萬里一歸人知爾不能薦羞稱獻納臣

落第長安

常建

家園好在尚畱秦恥作明時失路人恐逢故里驚花

笑且向長安度一春

送友人東歸

劉長卿

對酒灞亭暮相看愁自深河邊草已綠此別難爲心

關路迢迢足馬歸垂楊寂寂數驚飛憐君獻策十餘

載今去猶爲一布衣

送張翥下第歸江東

蕭穎士

俱飛仍失路絲服通清波地積東南美朝遣甲乙科

客愁千里別春色五湖多明日舊山去其如相望何

送杜佐下第歸陸渾別業

岑參

正月今欲半陸渾花未開出關見青草春色正東來

夫子宜歸去明時方愛才還須及秋賦莫即隱蒿萊

醉歌行

杜甫

陸機二十作文賦汝更少年能綴文總角草書又神

速世上兒子徒紛紛驩驩作駒已汗血驚鳥舉關連

青雲詞源倒流三峽水筆陣獨掃千人軍只今年纔

十六七射策君門期第一舊穿楊葉真自知暫賦霜

蹄未爲失偶然擢秀非難取會是排風有毛質汝身

已見唾成珠汝伯何由髮如漆春光淡沲秦東渚

蒲芽白水荇青風吹客衣日杲杲樹攬離思花冥冥

酒盡沙頭雙玉鉶衆賓皆醉我獨醒乃知貧賤別更

苦吞聲鄭獨涕淚零

送鄒三落第還鄉

錢起

邵客文章絕世稀常嗟時命與心違十年失路誰知

已千里思親獨遠歸雲帆春水將何適日愛東南暮

山岩關中新月對離樽江上殘花待歸客名宦無媒

自古遲窮途此別不堪悲荷衣垂釣且安命金馬招

賢會有時

送褚大落第東歸

前人

離琴彈苦調美人慘向隅頃來荷策干明主還復扁

舟歸五湖漢家側席明揚久豈意遺賢在林藪玉堂

金馬隔青雲墨客儒生皆白首昨夢芳洲採白蘋歸

期且喜故園春穉子只思陶令至文君不厭馬卿貧

刺中風月久相憶池上舊遊應再得酒熟寧孤芳杜

春詩成不枉青山色念此那能不美歸長楊諫獵事

皆違他日東流一乘典知君爲我掃荆扉

贈萬生下第還吳

郎士元

直道多不偶美才應息機霸陵春欲暮雲海獨言歸

爲客成白首入門嗟布衣蓴菜若可憶暫出掩柴扉

落第後東遊畱別

皇甫冉

功成方自得何事學干求果以浮名誤深貽達士羞

九江連漲海萬里任虛舟歲晚同懷客相思波上鷗

落第後口號

薛據

欽定古今圖書集成經濟彙編選舉典

第九十卷目錄

下第部藝文二詩詞

途中口號	唐盧僊
送友人下第歸省	殷遙
送丘爲落第歸江東	王維
落第長安	常建
送友人東歸	劉長卿
送張翥下第歸江東	蕭穎士
送杜佐下第歸陸渾別業	岑參
醉歌行	杜甫
送鄔三落第還鄉	錢起
送褚大落第東歸	前人
贈萬生下第還吳	郎士元
落第後東遊留別	皇甫冉
落第後口號	薛據
落第後歸終南別業	盧綸
與從弟瑾同下第後出關言別	前人
送衛雄下第歸同州	李端
送魏廣下第歸揚州寧親	前人
落第歸鄉留別長安主人	豆盧復
落第	孟郊
送友人下第東歸	陳羽
送沈亞之	李賀
落第	李廓
下第東歸作	殷堯藩
送崔約下第歸揚州	姚合

送狄兼善下第歸故山下第	前人
落第後贈同居友人	前人
送張景宣下第東歸	顧非熊
送顧非熊下第歸	朱慶餘
送人下第歸	前人
友人下第因以贈之	前人
下第後上李中丞	李遠
下第	趙嘏
送裴延翰下第歸觀徐州	前人
贈薛勳下第	前人
落第	前人
下第後歸來樂里自題二首	前人
贈張漬榜頭被駁落	前人
落第寄沈詢	前人
送歸江州友人初下第	項斯
送友人下第歸襄陽	前人
落第後寄江南親友	前人
下第別郭扶	馬戴
下第寄友人	前人
下第別令狐員外	前人
下第後春日長安寓居三首	薛能
送進士許棠下第東歸	前人
聞李夷遇下第東歸因以寄贈	前人
下第歸宜春酬黃頗餞別	潘唐
下第	賈島
送友下第遊鴈門	劉駕

送厲圖南下第歸澧州	曹鄴
下第寄知己	前人
關試前進士姚潛下第歸南陽	前人
送友人下第東遊	司馬扎
下第有感	邵謁
下第後蒙侍郎示意指於新先輩宣恩感謝	李昌符
下第戲狀元崔昭緯	張曙
春後送人下第	裴說
下第送張霞歸觀江南	李洞
送張喬下第歸宣州	前人
下第不勝其念題路左佛廟	于鄴
下第夜吟	戴衢
夫下第	趙氏
黎生下第還鄉	宋蘇舜欽
送蕭咨下第西歸	魏野
海州觀放鵲搏兔不中而飛去	沈括
送安惇秀才失解西歸	蘇軾
余與李薦方叔相知久矣領貢舉事而李不得第愧甚作詩送之	前人
秋試下第即事有感寄國鎮	歐陽澈
下第過榆次	金步元舉
族兄才卿下第後赴宜祿酒官以詩寄之	蕭貢
下第魚臺東寺	祝簡
送李天英下第	周昂
下第	王特起

冥鴻亭下第後作

田紫芝

下第

李汾

天馬歌贈炎陵陳所安

元劉詵

下第南歸別俞伯貞

祝蕃

送李伯實下第還江西

余闕

甲戌下第三月二十四日出張家灣

君房下第歸至

明陳琛

下第歸樞閣園小酌

張時微

余伯祥席上送吳黎二貢士下第歸嶺南

左國璣

思歸寄皇甫司勳

黃姬水

阻風登晴川閣予兩度遊此皆以不第歸

王穉登

下第還鄉

袁中道

上巳日作時落第客京師

許邦才

賀新郎

宋辛棄疾

念奴嬌

明丘瓊臺

下第部選句

馮惟敏

下第部紀事

宋辛棄疾

下第部外編

明丘瓊臺

選舉典第九十卷

下第部藝文二詩詞

途中口號

唐盧僊

抱玉三朝楚懷書十上秦年年洛陽陌花鳥弄歸人

送友人下第歸省

殷蓬

君此上行日高堂應夢歸莫將和氏淚滴著老萊衣

嶽雨連河細田禽出麥飛到家調膳後吟好送斜暉

送丘爲落第歸江東

王維

憐君不得意况復柳條春爲客黃金盡還家白髮新

五湖三畝宅萬里一歸人知爾不能薦羞稱獻納臣

落第長安

常建

家園好在尚畱秦恥作明時失路人恐逢故里驚花

笑且向長安度一春

送友人東歸

劉長卿

對酒灞亭暮相看愁自深河邊草已綠此別難爲心

關路迢迢足馬歸垂楊寂寂數驚飛憐君獻策十餘

載今去猶爲一布衣

送張翥下第歸江東

蕭穎士

俱飛仍失路絲服通清波地積東南美朝遣甲乙科

客愁千里別春色五湖多明日舊山去其如相望何

送杜佐下第歸陸渾別業

岑參

正月今欲半陸渾花未開出關見青草春色正東來

夫子宜歸去明時方愛才還須及秋賦莫即隱蒿萊

醉歌行

杜甫

陸機二十作文賦汝更少年能綴文總角草書又神

速世上兒子徒紛紛驩驩作駒已汗血驚鳥舉關連

青雲詞源倒流三峽水筆陣獨掃千人軍只今年纔

十六七射策君門期第一舊穿楊葉真自知暫賦霜

蹄未爲失偶然擢秀非難取會是排風有毛質汝身

已見唾成珠汝伯何由髮如漆春光淡沲秦東渚

蒲芽白水荇青風吹客衣日杲杲樹攬離思花冥冥

酒盡沙頭雙玉鉶衆賓皆醉我獨醒乃知貧賤別更

苦吞聲鄭獨涕淚零

送鄒三落第還鄉

錢起

邵客文章絕世稀常嗟時命與心違十年失路誰知

已千里思親獨遠歸雲帆春水將何適日愛東南暮

山岩關中新月對離樽江上殘花待歸客名宦無媒

自古遲窮途此別不堪悲荷衣垂釣且安命金馬招

賢會有時

送褚大落第東歸

前人

離琴彈苦調美人慘向隅頃來荷策干明主還復扁

舟歸五湖漢家側席明揚久豈意遺賢在林藪玉堂

金馬隔青雲墨客儒生皆白首昨夢芳洲採白蘋歸

期且喜故園春穉子只思陶令至文君不厭馬卿貧

刺中風月久相憶池上舊遊應再得酒熟寧孤芳杜

春詩成不枉青山色念此那能不美歸長楊諫獵事

皆違他日東流一乘典知君爲我掃荆扉

贈萬生下第還吳

郎士元

直道多不偶美才應息機霸陵春欲暮雲海獨言歸

爲客成白首入門嗟布衣蓴羹若可憶暫出掩柴扉

落第後東遊畱別

皇甫冉

功成方自得何事學干求果以浮名誤深貽達士羞

九江連漲海萬里任虛舟歲晚同懷客相思波上鷗

落第後口號

薛據

十五能文西入秦三十無家作路人時命不將明主
合布衣空惹洛陽塵

落第後歸終南別業

盧綸

久爲名所誤春盡始歸山落羽羞言命逢人強破顏
交疎貧病裏身老是非間不及東溪月漁翁夜往還

與從弟瑾同下第後出關別

前人

同作金門獻賦人二年悲見故園春到闕不沾新雨
露還家空帶舊風塵

送衛雄下第歸同州

李端

不才先上第詞客却空還遠地行人少平無盡日間
一蟬陂樹裏衆火隴雲間羨汝歸茅屋書窗見遠山

送魏廣下第歸揚州寧親

前人

遊宦今空返浮淮一鴈秋白雲陰澤國青草遠揚州
調膳過花下張筵到水頭崑山仍有玉歲晏莫淹留

落第歸鄉留別長安主人

豆盧復

客裏愁多不記春聞鶯始歎柳條新年下第東歸
去羞見長安舊主人

落第

孟郊

曉月難爲光愁人難爲腸誰言春物榮起見葉上霜
鳴鶴失勢病鶴鶴假翼翔棄置復棄置情如刀刃傷

送友人下第東歸

陳羽

五陵春色泛花枝心醉花前遠別離落第恥爲關右
客成名空素里中兒都門雨歇愁分處山店燈殘夢
到時家住洞庭多釣伴因來相賀語相思

送沈亞之

李賀

文人沈亞之元和七年以書不中第返歸于吳江
吾悲其行無錢酒以勞又感沈之勤請乃歌一辭

以勞之

吳興才人怨春風桃花滿陌千里紅紫絲竹斷驄馬
小家住錢塘東復東白藤交穿織書笈短策齊裁如
梵夾雄光寶礦獻春卿煙裏驚波乘一葉春卿拾材
白日下擲置黃金解龍馬攜笈歸家重入門勞勞誰
是憐君者吾聞壯夫重心骨古人三走無摧挫請君
待旦事長鞭他日還鞭及秋律

落第

李邕

榜前潛拭淚衆裏自嫌身氣味如中酒情懷似別人
暖風張樂席晴日看花塵盡是添愁處深居乞過春
十載驅馳倦荷鋤三年生計費蕭疎辛勤幾逐英雄
後乙榜猶然姓氏虛欲射狼星把弓箭休將螢火讀
詩書身賤自慙貧骨相朗嘯東歸學釣魚

下第東歸作

殷堯藩

送崔約下第歸揚州
滿座詩人吟送酒離城此會亦應稀春風下第時稱
屈秋卷呈親自東歸日晚山花當馬落天陰水鳥傍
船飛江邊道路多苔蘚塵土無由得上衣

姚合

送秋兼暮下第歸故山
慈恩塔上名昨日敗垂成賃舍應無直居山豈釣聲
半年猶小憶數日得閒行映竹窺猿劇尋雲探鶴情
愛花高酒戶養藥汁茶鑪莫便多時住煙霄路在城
下第

前人

枉爲鄉里舉射鵠藝渾疎歸路差人問春城賃舍居
閉門辭雜客開篋讀生書以此投知己還因勝自餘
有情天地內多感是詩人見月長憐夜看花又惜春

落第後贈同居友人

顧非熊

愁爲終日客開過少年身寂寞正相對笙歌滿四鄰

送張景宣下第東歸

朱慶餘

歸省值花時聞吟落第詩高情憐道在公論覺才遺
春雨連淮暗私船過馬遲離心可惆悵爲有入城期

送顧非熊下第歸

前人

但取詩名遠寧論下第頻惜爲今日別共受幾年貧
聽雨宿吳寺過江逢越人知從本府薦秋晚又辭親

送人下第歸

前人

獨立身難達新春與志違吳鄉青草長故國白頭歸
岸闊湖波溢程遙楚岫微高秋期再會此去莫忘機

友人下第因以贈之

李遠

劉毅雖然不擲盧誰人不道解擲擲黃金百萬終須
得只有按莎更一呼

下第後上李中丞

趙嘏

落第逢人慟哭初平生志業欲何如鬢毛灑盡一枝
柱淚血滴來千里書谷外風高摧羽翮江邊春在憶
樵漁唯應感激知恩地不待功成死有餘

下第

前人

南溪抱瓮客失意自懷羞晚路誰攜手殘春自白頭
送裴延翰下第歸觀徐州

前人

失意何曾恨解攜問安歸去林陵西郡斜楊柳春風
岸山映樓臺明月溪江上詩書懸素業日邊門戶倚
丹梯一枝攀折回頭是莫向清秋惜馬蹄

贈薛勛下第

前人

一擲雖然未得盧驚人不用繞牀呼牢之坐被青雲
逼祇問君能酷似無

落第

前人

九陌初晴處處春不能回避看花塵由來得喪非吾事本是釣魚船上人

下第後歸永樂里自題二首

前人

無地無媒只一身歸來空拂滿牀塵尊前盡日誰相對唯有南山似故人

元髮侵愁似翁暖塵寒袖共東風公卿門戶不知處立馬九衢春影中

贈張濱榜頭被較落

前人

莫向花前泣酒杯謫仙依舊是仙才猶堪與世為祥瑞曾到蓬山頂上來

落第寄沈詢

前人

穿楊力盡獨無功華髮相期一夜中別到江頭舊吟處為將雙淚問春風

送歸江州友人初下第

項斯

名高不候召收採獻君門偶屈應緣數他人盡為冤新春城外路舊隱水邊村歸去無勞久知君更待論

送友人下第歸襄陽

前人

失意已春殘歸愁與別難山分關路細江遶夜城寒草色連晴坂龍聲離曉灘差池是秋賦何以暫懷安

落第後寄江南親友

前人

古巷槐陰合愁多晝掩屏獨存過江馬強拂看花衣送客心先醉尋僧夜不歸龍鍾易惆悵莫遣寄書稀

下第別郭扶

馬戴

窮途別故人京洛泣風塵在世即應老他鄉又欲春平生空志學晚歲拙謀身靜語歸休計唯將海上親

下第寄友人

前人

金門君待問石室我思歸聖主尊黃屋何人薦白木

年來御溝柳贈別雨霏霏

下第別令狐員外

前人

論文期雨夜飲酒及芳晨坐歎百花發潛驚雙鬢新舊交多得路別業遠仍貧便欲辭知己歸耕海上春

下第後春日長安寓居

薛能

一榜盡精選此身猶陸沈自無功讎分敢抱怨尤心暖陌開花氣春居閑日陰相知豈不有知淺未知深

其二

暫屈固何恨所愛無此時隔年空仰望臨日又參差勞力且成病壯心能不衰猶將琢磨意更欲候宗師

其三

關東歸不得豈是愛他鄉草碧餘花落春開白日長全家期聖澤半路敢農桑獨立應無侶浮生欲自傷

送進士許棠下第東歸

前人

長安那不住西笑又東行若以貧無計何因歲有成雲峯天外出江色草中明謾奈相於分吾言世甚輕

聞李夷遇下第東歸因以寄贈

前人

囊中書是居山寫海畔家貧乞食還吾子莫愁登第晚古人惟愛賤遊開舟行散適江亭上郡宴歌吟蠟燭間從此樂章休敘戰漢兵無陣亦無蠻

下第歸宜春酬黃頗餞別

潘唐

聖代澄清雨露均獨懷惆悵出咸秦承明未薦相如賦故國猶慚李子貧御苑鐘聲臨遠水都門樹色背行塵一從此地會攜手益羨江頭桃李春

下第

賈島

下第只空囊如何住帝鄉杏園啼百舌誰醉在花旁淚落故山遠病來春草長知音逢豈易孤棹負三湘

送友下第遊鴈門

劉駕

相別瀟水涘來水柳依依我願醉如死不見君去時所詣星斗北直行到猶遲况復挈空囊求人悲路岐北門記室賢愛我學古詩待君如待我此事固不疑鴈門春色外四月鴈未歸主人拂金臺延客夜開屏舒君鬱鬱懷飲彼白玉卮若不化女子功名豈無期

送厲圖南下第歸澧州

曹鄴

當春人盡歸我獨無歸計送君自多感不是綠下第君看山上草盡有十雲勢結根既不然何必更掩袂澧水鱸魚賤荆門楊柳細勿為陽豔留此處有月桂言畢尊未乾十二門欲閉佇立望不見登高更流涕吟君別我詩悵望水煙際

下第寄知己

前人

長安孟春至枯樹花亦發憂人此時心冷若松上雪自知才不堪豈敢頻泣血所痛無罪者時時屢遭別故山秋草多一卷成古轍夜來遠心起夢見瀟湘月大賢冠蓋高何事憐眉暫不令傷弓鳥日暮飛向越聞知感激語曾中如有物舉頭望青天白日頭上沒歸來通濟里開戶山鼠出中庭廣寂寥但見微與蕨無慮數尺軀委作泉下骨唯愁攬清鏡不見昨日髮願憐閨中女晚嫁唯守節勿惜四座言女巧難自說關試前送進士姚潛下第歸南陽 前人馬嘶殘日沒殘霞二月東風便到家莫羨長安占春者明年始見故園花

送友人下第東遊

司馬扎

出門皆有託君去獨何親闕下新交少天涯舊業貧煙寒樹樹雪後嶺梅春聖代留賢玉那令愧却詵

下第有感

邵謁

古人有遺言天地如掌闢我行三十載青雲路未達
嘗聞讀書者所貴免征伐誰知失意時痛於刃傷骨
身如石上草根蒂淺難活人人皆愛春我獨愁花發
如何歸故山相攜採薇薇

下第後蒙侍郎示意指於新先草宣恩感謝

李昌符

才薄命如此自嗟兼自疑遭逢好文日黜落至公時
倚玉甘無路穿楊却未期更慙君侍坐問許可言詩

下第戲狀元崔昭緯

張曙

千里江山陪驥尾五更風水失龍鱗昨夜浣花溪上
雨綠楊芳草爲何人

春暖送人下第

裴說

相送短亭前知君恩復賢事多憑夜夢老爲待明年
春樹添山香晴雲學曉烟雄文有公道此別莫潸然

下第送張貴歸觀江南

李洞

此道背於時攜歸一軸詩樹沈孤鳥遠風逆蓬驢遲
草入吟房壞潮衝釣石移恐傷歡觀意半路摘愁髭

送張喬下第歸宣州

前人

詩道世難通歸車楚浪中早程殘嶽月夜泊隔淮鐘
一鏡隨雙鬢全家老半峰無成來往過折盡謝亭松

下第不勝其忿題路左佛廟

于鄴

雀兒來逐鷗風高下視鷹鷂意氣豪自謂能生千里
足黃昏依舊委蓬蒿

下第夜吟

戴衢

擾擾東南西北情何人於此悟浮生還緣無月春風
夜暫得獨聞流水聲

夫下第

趙氏

良人的有奇才何事年年被放回如今妾面羞君
面君若來時近夜來

黎生下第還鄉

宋蘇舜欽

人云之子賢文采出巴川失意聲名在還家歲月遷
離懷春色裏歸路夕陽邊無廢青箱學窮愁古亦然

送蕭咨下第西歸

魏野

驢瘦懶加鞭遲遲念獨還聽雞行曉月喚雞過春山
渭入黃河濁雲歸紫閣開明年公道在莫便掩松關

海州觀放鶴搏兔不中而飛去

沈括

秋霜濯空林暮日在峰頂冥冥起長風稍稍絕遺影
曉禽值猛搏俯取不待頃刻非求者乖輪廟成遠騁
未能謝棒莽那用遽悻悻此心竟可憐得失未宜病

送安惇秀才失解西歸

蘇軾

舊書不厭百回讀熟讀深思子自知他年名宦恐不
免今日棲遲那可追我昔家居斷還往著書不復覓
園葵竭來東遊幕人爵棄屏舊學從兒嬉狂謀謬算
百不遂惟有霜鬢來如期故山松柏皆手種行且拱
矣歸何時萬事早知皆有命十年浪走寧非癡與君
未可較得失臨別惟有長嗟咨

余與李馬方叔相知久矣領貢舉事而李不得

前人

與君相從非一日筆勢翩翩疑可識平生謾說古戰
場過眼終迷日五色我慙不出君大笑行止皆天子
何責青袍白紵五千人知子無怨亦無德買羊沽酒
謝玉川爲我醉倒春風前歸家但草凌雲賦我相夫
子非羅仙

第愧甚作詩送之

前人

與君相從非一日筆勢翩翩疑可識平生謾說古戰
場過眼終迷日五色我慙不出君大笑行止皆天子
何責青袍白紵五千人知子無怨亦無德買羊沽酒
謝玉川爲我醉倒春風前歸家但草凌雲賦我相夫
子非羅仙

子非羅仙

秋試下第卽事有感寄國鎮

歐陽澈

鯨角金英噴異香杜門寂寞獨持觴風欺脫葉橫斜
舞雲觀平林淺淡黃寒管有情增哽噎野花無緒伴
淒涼不禁景物撩秋眼刺與新篇付錦囊

下第過榆次

金步元舉

棲遲客落未歸人已坐無成更坐貧意氣敢論題柱
客晨昏多負倚門親囊空漸覺錢餘衣敝翻饒益
滿身遙望秦關獨惆悵一天風雨落花春

族兄才卿下第後赴宜祿酒官以詩寄之

蕭貢

久期老距擅文場命壓人頭可得忙兩脚塵泥官業
晚十年燈火夜窗涼霜添老葉山梨紫雨泥寒叢野
菊黃南北相望無百里幾時尊酒泥離腸

下第魚臺東寺

祝簡

病眼逢花亦倦開流鶯飛去誤相猜多情却愛僧堂
燕才得春風却再來

送李天英下第

周昂

不須寂寞恨東歸洗眼三年看一飛試捲波瀾入毫
穎莫教歐九識劉幾

下第

王特起

人間萬事等擲擗取謂何人不得盧勝負到頭俱偶
爾狂夫安用繞牀呼

冥鴻亭下第後作

田紫芝

眼底功名一物無飛揚跋扈竟何如青雲岐路多辛
苦賴得皇家結網疎

下第

李汾

學劍攻書謾自奇回頭三十六年非春風萬里衛門

下依舊并州一布衣

天馬歌贈炎陵陳所安
所安名太甲實以天馬賦名下第頗不遇故
元劉誥

房精夜墮榮波中驂驪奮出如飛龍昂頭星官逐枉矢振輿雲闕追天風漢家將軍三十六分道出塞爭奇功當時一躍萬馬盡蹴達少海寬旌紅韓哀謝與伯樂去覲塊奈此奚官庸十年早糧食不飽雖有駿步難爭雄春隨錦繡北陵北秋臥衰草東阡東時從新駘飲沙澗未免泥滓風驟夜寒昔宿山谷迢長嘶落月天地空時平文軌明蕩蕩萬里窮荒無虎帳交河不用踏層冰裸足山城學馴象吾聞天子之廐十二閑驥驥並收無棄放金根雲罕出都門喚取雍容蕭仙仗

下第南歸別俞伯貞

祝蕃

驅車出東門別酒忽在手去國古所悲况復失良友凡凡丘中麥鬱鬱道旁柳揮手從此辭煙雲黯回首

送李伯實下第還江西

余闕

之子不得意南行無怨辭官河人杳杳客路雨絲絲古木淮陰市春城孺子祠悽然千里別爲賦小星詩

甲戌下第三月二十四日出張家灣

明陳琛

聞說春歸已有期可人春色亦應稀客思遠道催行急舟邊長灣故去遲江上一樽忘獨老天涯何處覓相知懷中多少平生夢說向癡人恐未宜

君房下第歸至

張時微

在有芳草處處有青山君去與之去君還與之還燕臺望駿骨漢宮擯朱顏自古有如此沈冥且閉關

下第歸桐園小酌

左國瓊

無策干明主多情夢故林重來高閣上終日聽風琴綠酒遠在慈間雲縱野心不知春已暮花樹碧成陰

余伯祥席上送吳黎二貢士下第歸嶺南

黃姬水

相思燕越已經春此日相逢啼鴉新世路銷魂惟有別君今况是泣珠人

思歸寄皇甫司勳

王穉登

射策上書俱不遇秋風夜夜夢歸吳花憐觀裏無多樹柳憶門前第幾株趙女怨爲廝養婦魯生羞傍叔孫儒惟君青眼能如舊不笑終軍手裏繡

阻風登晴川閣予兩度遊此皆以不第歸

袁中道

苦向白頭浪裏行青山也識舊書生相逢誰勝黃江夏不死羞強禰正平天外雲山京口驛雨中楊柳武昌城漢濱父老今何在只合依他隱姓名

下第還鄉

許邦才

驚花愁旅客風雨逼清明向曉擔空笈蕭然出鳳城

上巳日作時落第客京師

馮惟敏

三月三日東風惡滿城桃李都搖落乍隨飄颻入重雲還自低回委深壑長安道上東復西曲江池邊路轉迷飛空不解作紅雨著土豈得爲香泥風聲如雷塵如墨行道之人長太息春光猶有三之一千樹萬樹無顏色花開花落會有時抵死不分狂風吹但願周流御溝水寧辭遠別上林枝溟濛瀕洞滿天地倉皇未識東君意不道紅英點翠苔玉塔那得留餘媚君不見昨日花開枝葉青折來插之雙玉餅畫堂不

省紅塵到鼻裊花氣芬中庭又不見樓頭小婦深閉門晨起竟日寂無言捲簾欲放飛花入撲面驚沙總斷魂

賀新郎

宋辛棄疾

逸氣軒眉宇似王良輕車熟路驛驕欲舞我覺君非池中物咫尺蛟龍雲雨時與命猶須天賦爾佩非無人問歎靈均欲向重華訴空鬱鬱其誰語兒曹不料揚雄賦怪當年甘泉誤說青蔥玉樹風引船回滄溟闊目斷三山伊阻但笑指吾廬何許門外蒼官三百輩盡堂堂八尺鬚髯古誰載我帶湖去

念奴嬌

明丘瓊臺

佳人薄命歎絕代紅粉幾多黃土豈是老天渾不管好惡隨人自取既賦嬌客又全慧性却遣隨凡侶不平如此問天天更不語可惜國色天香隨綠流落飄泊今如許借問繁華何處在多少樓臺歌舞紫陌春游綠窻晚繡過客驚眉嫵人生失意從來無問今古

下第部選句

唐孫山詩榜名盡處是孫山餘人盡在孫山外

下第部紀事

史記張丞相列傳丞相匡衡者東海人也好讀書從博士受詩家貧衡傭作以給食飲才下數射策不中至九乃中丙科其經以不中科故明習補平原文學卒史

漢書匡衡傳匡衡字稚圭東海承人也衡射策甲科以不應令除爲太常掌故調補平原文學

後漢書皇甫規傳中質之問梁太后臨朝規舉賢良方正對策梁冀忿其刺己以規爲下第拜郎中託疾免歸

北齊書劉晝傳河清初舉秀才入京考策不第乃恨不學屬文方復緝綴詞藻言甚古拙制一首賦以六合爲名自謂絕倫吟諷不輟乃歎曰儒者勞而少工見於斯矣我讀儒書二十餘年而答策不第始學作文便得如是會以此賦呈魏收收謂人曰賦名六合其愚已甚及見其賦又愚於名畫又撰高才不遇傳三篇在皇建太寧之朝又頻上書言亦切直多非世要終不見收采

羣居解頤唐初有裴略者宿衛考滿兵部試判爲錯一事落第此人即向溫彥博處披訴彥博時與杜如晦坐不理其訴此人即云少小以來自許明辨至于通博言語堪作通事令人并解文章兼能嘲戲彥博始同意共語時廳前有竹彥博即令嘲竹此人應聲嘲曰竹風吹青蕭蕭凌寒葉不凋經冬子不熟虛心未能待國士皮上何勞生節目彥博即云爾解通博言語可傳語廳前屏牆此人走至廳前大聲語曰方今聖上聰明開四門以待士君是何人物在此妨賢路即推倒彥博曰此意著博此人云非但著膊亦當著肚彥博如喉大嘆喜即令送吏部與官

唐書選舉志太宗時冀州進士張昌齡王公謹有名于當時考功員外郎王師旦不署以第太宗問其故對曰二人者皆文采浮華擢之將誘後生而弊風俗其後二人者卒不能有立

劉馮事始天寶中御史中丞張倚男爽判入高等爲人所訴明皇於勤政樓親臨覆試終日不能措一詞謂之曳白

全唐詩話閻濟美大曆九年春下第將出關獻座主張謂詩六韻曰譽謬王臣直文明雅量全望爐金自躍應物鏡何偏南國幽沈盡東堂禮樂宣轉令游藝士更惜至公年芳樹歡新景青雲泣暮天唯愁鳳池拜孤賤更誰憐謂覽之問失第之因具以實告謂深

有遺才之歎
天中記德宗徵行西明寺宋濟葛巾抄書上曰措大茶求一碗曰鼎水方可自潑之上又問作何事業是何姓行濟曰姓宋第五應進士舉須臾聞呼官家

濟惶恐起拜上曰宋五大坦率後禮部放榜上問有濟名否使回云無上曰宋五又坦率矣

幽閒鼓吹苗帝師困於名場一年得而復落第春景喧妍策蹇驢出都門黃酒一壺藉草而坐醺醉而寐久之既覺有老父坐其旁因揖叙以餘杯飲老父婉謝曰郎君繁悒恥寧要知前事耶苗曰某應舉已久有一第分乎曰大有事但更問苗曰某困於窮變一郡寧可及乎曰更向上曰廉察乎曰更向上苗公乘酒猛問曰將相乎曰更向上苗公怒全不信因肆言曰將相向上作天子乎老父曰天子眞者即不得假者即得苗都以爲怪囊揖之而去後果爲將相及德宗昇遐攝冢宰三日

撫言張倬落第捧登科記頂戴曰此千佛名經也盧汪門族甲天下舉進士不第詩曰惆悵與亡繫綺羅世人猶自選青娥越王解破夫差國一箇西施已太多晚年失意作酒胡于歌曰胡貌類人傾側不定緩急由人不在酒胡酒胡一滴不入腸空令酒胡名酒胡

劉得仁貴主之子出入舉場竟無所成曰外家雖是帝當路且無親既終僧栖白詩曰忍苦爲詩身到此冰魂雪魄已難招直教桂子落墳上生得一枝冤始銷

高渙久舉不第或譏之曰一百二十箇蟻娘推一箇屎塊不上
唐國史補宋濟老于文場舉止可笑嘗賦誤失官韻乃撫膺曰宋五又坦率矣由是大著名後禮部上甲乙名德宗先問曰宋五免坦率否

劇談錄元和中進士李賀善爲歌篇韓文公深所知重於縉紳之間每加延譽由此聲華籍甚時元相國稷年老以明經擢第亦攻篇什常願交結賀一日執贄造門賀覽刺不容遽命僕者謂曰明經擢第何事來看李賀相國無復致情慙憤而退其後左拾遺制策登科日當要路及爲禮部郎中因議賀祖禰諱進不合應進士舉亦以輕薄時輩所排遂成轍軻文公惜其才爲著諱辯錄明之然竟不成事自大中咸通之後每歲試春官者千餘人其間章句有聞臺臺不絕如何植李攻皇甫松李德裕梁望毛濤貝麻來鶴賈隨以文章著美溫庭筠鄭澣何涓周鈴朱軫沈鵠周繁以詞賦標名賈島平會李陶劉得仁喻坦之張喬劉蕡許琳陳覺以律詩流傳張維皇甫川郭鄴劉延輝以古風擅價皆苦心文華厄於一第然其間數公麗藻英詞播於海內其虛薄叨聯名級者又不可同年而語矣

全唐詩話賈島入不第吟病蠅之句以刺公卿或奏島與平會等爲十惡逐之詩曰病蠅飛不得向我掌中行折翼猶能薄酸吟尚極清露華疑在腹塵點誤侵晴黃雀并鳥鳥俱懷害爾情

島方下第或以爲執政惡之故不在選怨憤題詩曰破却千家作一池不栽桃李種薔薇薔薇花落秋風起荆棘滿庭君始知

東觀奏記溫庭筠字飛卿彥博之裔孫也詞賦詩篇冠絕一時與李商隱齊名時號溫李連舉進士竟不中第至是讀爲九品吏進士紀唐夫嘆庭筠之冤贈之詩曰鳳凰閣下雖承命鸚鵡才高却累身人多識

誦

吏部侍郎兼判尚書銓事裴諗左授國子祭酒吏部侍郎周敬復罰一月俸監察御史馮顥左授秘書省著作佐郎考院所送博學宏辭科趙矩等十人並宜覆落不在施行之限初裴諗兼上銓主試宏辭科其年爭名者衆應宏辭選前進士苗台符楊嚴薛訢李詢古敬期已下一十五人就試諗寬豫仁厚有賦題不密之說前進士柳翰京兆尹柳憲之子也故事宏辭科只三人翰在選中不中者言翰于諗諗先得賦題託詞人溫庭筠爲之翰既中選其聲聒不止事徹宸聽杜德公爲中書舍人言於執政曰某兩爲考官未試宏詞先錄考官然後考文書若自先得賦題者必佳期名考文書得佳者考官乃公當罪止諗爲考官不合坐宏詞趙矩丞相令孤綯故人子也同列將以此事嫁患於令孤丞相逐之盡覆去初日官奏文星暗科場當有事沈詢爲禮部侍郎聞而憂焉至是三科盡覆日官之言方驗

全唐詩話杜羔不第將至家其妻劉氏先寄詩云良人的有奇才何事年年被放回如今妾面羞君面君到來時近夜來

西陽雜俎江蘇縣令張汀子名省躬汀因住枝江有張垂者舉秀才下第客於蜀與省躬素未相識太和八年省躬晝寢忽夢一人自言姓張名垂因與之接歡彌日將去留贈詩一首曰戚戚復戚戚秋堂百年色而我獨茫茫荒郊遇寒食驚覺遠錄其詩數日卒

本事詩范陽盧獻可大中中舉進士詞藻爲同流所

推作惡征賦數千言時人以爲庾子山哀江南之亞今諫議大夫司空圖爲汪之連不中第薄遊衡湘至郴而病夢人贈詩曰上築郊原古青山唯四鄰扶疎遶臺榭寂寞獨歸人後旬日而沒郴守爲葬之近郊果以夏初望皆符所命

陳輔之詩話李山甫咸通中不第嘗有詩怨執政曰勸君不用誇頭角夢裏輸贏總未知

唐書溫彥博傳裔孫庭筠少敏悟工爲詞章與李商隱皆有名號溫李然薄於行無檢幅又多作側辭曲曲與貴胄裴諗令孤綯等蒲飲狎昵數舉進士不中第思神速多爲人作文大中未試有司廉視尤謹庭筠不樂上書千餘言然私占授者已八人執政鄙其爲授方山尉

全唐詩話高蟾初落第詩云天上碧桃和露種日邊紅杏倚雲栽芙蓉生在秋江上莫向春風愁未開胡曾亦有下第詩云輪苑何時休嫁女文昌早晚罷生兒上林新桂年年發不許平人折一枝時謂蟾無躁競心後登第乾符中爲中丞

玉泉子夏侯相孜與王生同在場屋王生有時價孜且不倖矣嘗落第偕游於京西鳳翔連帥館之一日從事有宴召焉酒酣從事以骰子祝曰二秀才若俱得登第當擢堂印王生自負才雅如有德色怒曰吾誠淺薄與夏侯同年乎不悅而去孜及第累官至宰相王竟無所聞孜在蒲津王生之子不知其故偶獲孜與父平昔所書與往來筆札累十幅皆孜手迹也欣然挈之以謁孜孜既見問其所欲一一依之即名諸從事以話其事

本事詩實爲於興化里鑿池種竹起臺榭時方下第或謂執政惡之故不在選怨憤尤極遂於庭內題詩曰破却千家作一池不栽桃李種薔薇薔薇花落秋風後荆棘滿庭君始知由是人皆惡其侮慢不遜故卒不得第軼軻而終

博陵崔護資質甚美而孤潔寡合舉進士下第清明日獨遊都城南得居人莊一畝之宮而花木叢萃寂若無人叩門久之有女子自門隙窺之問曰誰耶以姓字對曰尋春獨行酒渴求飲女子以杯水至開門設牀命坐獨倚小桃斜柯佇立而意屬殊厚妖姿媚態綽有餘妍崔以言挑之不對目注者久之崔辭去送至門如不勝情而入崔亦瞻盼而歸嗣後絕不復至及來歲清明日忽思之情不可抑遂往尋之門牆如故而已鎖扇之因題詩于左扉曰去年今日此門中人面桃花相映紅人面祇今何處去桃花依舊笑春風後數日偶至都城南復往尋之聞其中有哭聲叩問之有老父出曰君非崔護耶曰是也又哭曰君殺吾女護驚起莫知所答老父曰吾女年知書未適人自去年以來常恍惚若有所失比日與之出及歸見左扉有字讀之入門而病遂絕食數日而死吾老矣此女所以不嫁者將求君子以託吾身今不幸而殞得非君殺之耶又大哭崔亦感動請入哭之尚儼然在牀崔舉其首枕其股哭而祝曰某在斯某在斯須臾開目半日復活矣父大喜遂以女歸之

遼齋聞覽柳冕秀才性多忌諱應舉時同輩與之語有犯落字者則忿然見於詞色僕夫誤犯輒加杖楚常語安樂爲安康忽聞榜出亟遣僕視之須臾僕還

冕即迎問曰我得否乎僕應曰秀才康了也

全唐詩話溫憲貢外庭筠子也僖昭之間就試於有司值鄭相延昌掌邦貢以其父文多刺時復傲毀朝士抑而不錄既不第遂題一絕於崇慶寺壁後榮陽公登大用因國忌行香見之憫然動容暮歸宅已除趙崇知舉即召之謂曰某頃主文衡以溫憲庭筠之子深怒嫉之今日見一絕令人惻然幸勿遺也于是成名詩曰十口溝隍待一身半年千里絕音塵鬢毛如雪心如死猶作長安下第人

抒情錄載舊久不第嘗夜吟曰擾擾東西南北情何人於此悟浮生還緣無月春風夜暫得獨聞流水聲又云坐落千門日吟殘午夜燈

甘澤謠韋騶者明五音善長嘯自稱逸羣公子舉進士一不第便已曰男子四方之志豈拘節於風塵哉猶唐書哀帝本紀起居郎蘇楷禮部尚書循之子凡劣無藝乾寧二年應進士登第後物論以爲濫昭宗命翰林學士陸辰祕書監馮渥覆試黜落求不許入舉楊楷負愧銜怨

馬令南唐書黃載傳載字元吉其先江夏人世爲農載弱冠釋耒相就學於廬山事虔人劉元亨篤志自勵精究經史能爲文章一舉不中第嘆曰士之賤也久矣規模於寒賤之文去取於有司之手其於達道不亦遠哉遂不復進取肄業之士多從之

羅穎傳穎開寶中詣金陵舉進士第例以黃衣守選及王師問罪後主銜璧類再應鄉舉下第道經漢高祖廟題詩其落句云媿倚羣豪誇大度可憐容得辟陽侯少頃輒自免冠靴伏廟廷口陳自咎之言掖

而去數日卒

潘質傳質字子文宜陽人也七歲能詩性褻特自負才器以貌勢位既而動多屯蹢五舉猶爲白丁及屬皇朝左僕射沈義倫奇其才致門下質凡三過省闈每廷試輒以目疾止故質嘗與故人書云八叨殿試三對天顏會沈公薨遺表薦之表上而質疾作謂人曰挾冊爲儒聖偽兩朝白首場屋不登一第豈非命耶吾受沈公知遇過厚生不能報死得事公於泉下足矣語下而質已卒年六十沈氏諸子買棺葬之彭利用傳利用雖舉進士而才調鄙俚多類俳優故凡六上不第一夕宴寢而卒

浮屠傳僧應之姓王其先南閩人能文章習柳氏筆法以善書冠江左初舉進士一黜于有司投開闢曰吾不能以區區章句取程於庸人遂學爲浮屠陸游南唐書江爲傳元宗初設貢舉爲舉爲有司所黜嘗有題曰鹿寺詩元宗南遷過而愛之爲由是愈自負傲睨一時卒無薦引者

五代史梁家人傳太祖置酒太夫人前舉觴爲壽歡甚太祖啓曰朱五經平生讀書不登一第有子爲節度使無忝於先人矣

李振傳振常舉進士咸通乾符中連不中允憤唐公卿及裴樞等七人賜死白馬驛振謂太祖曰此輩書自言清流可投之河使爲濁流也太祖笑而從之

李憐傳梁天成中累遷尚書右丞承旨時右散騎常侍張文寶知貢舉所放進士中書有覆落者乃請下學士院作詩賦爲貢舉格命憐爲之憐笑曰予少舉進士登科蓋偶然耳後生可畏來者未可量假令予

復就禮部試未必不落第安能與英俊爲准格聞者多其知體

宋史張宏傳宏高祖茂昭唐益定節度使曾祖元易州刺史祖持蒲城令父峭業春秋一舉不第退居丘園後唐天成中以賢帥後補協律郎至平利令薛居正傳居正少好學有大志清泰初舉進士不第爲遺愁文以自解

十國春秋吳越羅隱傳隱字昭諫新城人也後改新城爲新登亦爲新登縣人祖曰微唐福壽縣令父修古應開元禮隱本名權貌寢陋凡十上不中第遂更今名少能詩與族人虬鄉齊稱時人謂之三羅初寓池州梅根浦刺史實滿營墅居之因自號江東生尋爲唐相鄭畋李蔚所知臥病長安會天旱詔大京北祈雨作法隱上疏切諫詞涉規諷竟不用

南唐徐幼文傳馮延魯子僕舉進士一夕夢登崇孝寺幡利極高處打方響詣幼文叩之幼文曰雖有聲價至下地耳明年僕成名或有謂其無驗者幼文曰誠如吾語後當知之未數月中書奏主司取士不當遂追勝御試僕果覆落

茅亭客話陵陽至道觀主費禹珪字天錫文學優瞻時輩所稱僞蜀常應進士舉名絢或夢衣錦在井中覺後自喜曰及第衣錦遊鄉井爾他日因與知軍事推官蘇協論名第皆由陰注凡舉人將歷科場多有異夢禹珪因言前夢蘇曰非佳夢爾衣錦井中是文章未顯之兆費不悅來春果下第

天定錄僧可隆善詩高從誨聞其卷有觀棋句云萬般思後行一失廢前功從誨謂可隆曰吾師此詩必

因事而得隆答曰某本姓慕容與桑維翰同學少負志氣多恐維翰維翰登第以至入相某猶在場屋頻年敗歸皆維翰所挫也因削髮爲僧其句實感前事而露意焉從誨識鑒多此類也

春渚紀聞道人王樂仙或云潭州人初爲舉人赴試禮部一不中即裂冠從太一宮王道錄行胎養之術澠水燕談錄麻先生仲英有俊才七歲能詩隨侍官鄜州宋翰林白方謫官鄜聞而召之坐賦詩十篇宋大稱賞翌日宋以浣溪棹李廷珪墨諸葛氏筆遺之乃贈以詩曰宣毫欲墨川曉紙寄與麻家小秀才七歲能吟天骨異前生應折桂枝來十七上禮部歸以二親既喪祿不及養無復仕宦意退居臨瀛別墅而記覽該洽行義高潔鄉黨化服鄉里爭訟者聽先生辨之雖凶年盜不入其家富韓公文潞公皆嘗致書幣龐莊公出鎮遣其子奉書召至府中禮之極厚薦其行義于朝詔爲國子四門助教州學教授東方學者爭師之卒年九十或以爲宋詩前生已折桂枝來即今世不復折也麻一試不第終身罷舉詩已識之矣

容齋四筆許仲宣傳云仲宣子待問雍熙二年舉進士與李崇諤呂蒙亨王扶並預廷試崇諤即宰相助之子蒙亨參知政事蒙正之弟扶鹽鐵使明之子上曰斯並勢家與孤寒競進縱以藝升人亦謂朕有私也皆下第

容齋續筆太宗雍熙二年已放進士百七十九人或云下第中甚有可取者乃令復試又得洪湛等七十六人而以湛文采道麗特升正榜第三端拱元年禮

部所放程宿等二十八人進士葉齊打鼓論榜遂再試復放三十一人而諸科因此得官者至於七百一時待士可謂至矣然太平興國末孟州進士張雨光以試不合格縱酒大罵於街衢中言涉指斥上怒斬之同保九輩未不得赴舉恩威並行至於如此

石林燕語端拱初宋白知舉取二十八人物論喧然以爲多遺材詔復取落人試于崇政殿于是再取九十九人而葉齊猶擊登聞鼓自列朝廷不得已又爲覆試頗患齊儒訟考官試題特出一葉落而天下秋凡放三十一人而齊仍在第一

國朝取士猶用唐故事禮部放榜柳開少學古文有盛名而不工詞賦累舉不第開寶六年李文正昉知舉被黜下第徐士廉擊鼓自列詔盧多遜即講武殿覆試于是再取宋準而下二十六人自是遂爲故事再試自此始然時開復不預多遜爲言開英雄之士不工篆刻故考較不及太祖即召開大悅遂特賜及第

李文定公在場屋有盛名景德二年預省試主司皆欲得之以置高第已而乃不在選主司意其失考取所試卷覆視之則以賦落韻而黜也遂奏乞特取之王魏公時爲相從其請既廷試遂爲第一宋史狄葉傳葉子遵度少穎悟篤志于學每讀書意有所得即仰屋瞪視人呼之弗聞也少舉進士一斤子有司恥不復爲以父任爲襄縣主簿居數月棄去江南野錄陳彭年大中祥符中同知貢舉省試榜出有甥不預選怒入其第會彭年未來於几上得黃勅乃題其背曰彭年頭惱太冬烘眼似朱硃囊似蓬紉

想幸叨三字內荒唐仍在四人中取他權勢欺明主落却親情實至公千百孤寒齊下淚斯言無路達堯聰彭年怒抱其勑人奏章聖見而不悅然釋其罪宋史王旦傳李迪實邊有時名舉進士迪以賦落韻邊以當仁不讓於師論以師爲衆與註疏異皆不預主文奏乞收試旦曰迪雖犯落韻然出于不意其過可略邊特立異說將令後生務爲穿鑿漸不可長遂拔迪而黜邊

容齋三筆天禧三年京西轉運使胡則言滑州進士楊世質等訴本州黜落即取元試卷付許州通判崔立看詳立以爲世質等所試不至此謬已牒滑州依例解發詔轉運使具析不先奏裁直令解發緣由以聞其試卷仰本州繳進世質等仍未得解發及取到試卷詔貢院定奪乃言詞理低次不合充薦復黜之而勑胡則准立之罪蓋是時貢舉條制猶未堅定故有被黜而來訴其枉者至于省試亦然如葉齊之類由此登第後來無此風矣

貴耳集儂智高發三解不得志遂起兵兩廣遂有兩解試攝官之格張元因殿試落第徑往西夏自此殿試無黜落之士

衡元卿洋州人曾領薦不得志遊山谷間作謁金門詞曰花過雨又是一番紅素燕歸來愁不語故巢無覓處誰在玉樓歌舞誰在玉關辛苦若使胡塵吹得去東風候萬戶

灑水燕談錄王獵酸棗人天聖末累舉未第一夕夢紫衣吏召至一宮門守衛甚盛揖入升堂對拜者紫衣金帶年三十許禮甚恭既坐解甚遜覺後私記其

年月獵後困於場屋久之推恩五舉得同出身登仕又二十餘年且七十始爲尚書員外郎將乞身以去故人或止之會英廟入繼爲皇子近臣薦公爲官僚赴皇子位門闢守衛宛如夢中無異歸視篋中所記乃英廟所生時也待讀官邸未及期年英廟即位遂登侍從

灑水燕談錄青州布衣張在少能文尤精詩奇蹇不遇老死場屋書題與隆寺老柏院詩云南鄰北舍牡丹開年少尋芳日幾回惟有君家老柏樹春風來似不曾來大爲人傳誦文潞公皇祐中鎮青詣老柏樹訪在所題字已漫滅公惜其不傳爲大字書於東堂之壁後三十餘年當元豐癸亥東平畢仲甫將叔見公于洛下公誦其詩囑畢往觀畢至青訪其故處壁已圯毀不可得爲刻于天宮石柱又刻其故所題之處

夢溪筆談石曼卿初登科有人訟科場覆落數人曼卿是其數時方期集于興國寺符至追所賜勅牒靴服數人皆暖泣而起曼卿獨解靴袍還使人露體戴幘頭復坐語笑終席而去次日被黜者皆授三班借職曼卿爲一絕句曰無才且作三班借請俸事如錄事參從此罷稱鄉貢進且須走馬東西南

宋史韓維傳維兼侍讀學士充群牧使考試制舉人孔文仲對策入等以切直罷歸維言陛下母謂文仲爲一賤士黜之何損臣恐賢俊解體忠良結舌阿諛苟合者將窺隙而進爲禍不細

灑水燕談錄眉山蘇洵少不喜學幾壯猶不知書年二十七始發憤讀書舉進士又舉茂才皆不中曰是

未足爲吾學也焚其文閉戶讀書五六年乃大究六經百家書說嘉祐初與二子軾轍至京師歐陽文忠公獻其書于朝士大夫爭持其文二子舉進士亦皆在高等于是父子名動京師而蘇氏文章擅天下蘇德祥孫不有高行少時一試禮部不中拂衣去居涇水之濱五十年不踐城中歐陽文忠公鎮青言於朝廷賜號冲退處士年八十餘卒

續夷堅志馮翊士人王獻可字君和元豐中試京師待榜次一日晨起市人攜新魚至擲散錢賭之君和祝散錢以上前程一擲得魚市人拊膺曰我家數口絕食已二日就一熱分人賒此魚望復數錢以爲舉家之食子乃一擲勝之我家衣祿盡矣君和惻然哀之不取魚又以數錢遺之市人謝而去及下第西歸路經灑池早發山谷間猝爲羣盜所執下路十數里天明問客行囊一少年忽直前問君和非京師邸中乞我魚不取乎今日乃相見於此再三慰謝并同行皆免同郡徐安上記其事云

却掃編先友崔陟字浚明年未二十舉進士待試京師一夕夢人告曰汝父懷羊恐不見汝登科矣及寤意大惡之既果被黜還家見有羊毛積後垣下問何自得之其父曰昨有羊突入吾舍者吾既烹而食之矣涉因大驚而不敢言所夢未幾其父卒後數年乃登第後坐元符末上書論時事編入黨籍仕宦連蹇不進先公領裕民局辟爲檢討官未幾局罷後以宿州通判終

過庭錄吳人孫山滑稽才子也赴舉他郡鄉人託以子偕往鄉人子失意山綴榜末先歸鄉人問其子得

失山曰解名盡處是孫山賢郎更在孫山外
老學庵筆記東坡素知李馬方叔赴省試東坡
知舉得一卷子大喜手批數十字且語黃魯直曰是
必吾李馬也及拆號則章持致平而馬乃見黜故東
坡山谷皆有詩在集中初馬試罷歸語人曰蘇公知
舉吾之文必不在三名後及被黜馬有乳母年七十
大哭曰吾兒遇蘇內翰知舉不及第它日尚奚望遂
閉門睡至夕不出發壁視之自縊死矣馬果終身不
第以死亦可哀也

石林詩話李馬陽翟人少以文字見蘇子瞻子瞻元
祐初知舉馬適就試意在必得馬以魁多士及攷章
授程文大喜以為馬無疑遂以為魁既拆號慨然出
院以詩送馬歸曰平時識識古戰場過眼終迷日五
色蓋道其本意馬自是學亦不進家貧不甚自愛嘗
以書責子瞻不為已子瞻後稍薄之竟不第而死
賢奕編元祐中東坡知貢舉絨一簡送其友人李方
叔值方叔出其僕受簡置几上有項章子厚二子曰
持曰援皆來取簡竊窺之乃揚雄優于劉向論二章
驚喜攜去方叔歸來竟簡不得已而果出此題二章
皆模倣前作方叔幾于開筆及拆號坡意魁必方叔
也乃章援第十名文意與魁相似乃章持東坡失色
方叔竟下第既出院問其故大恨愧其母歎曰蘇公
知貢舉而汝不成名復何望哉抑鬱而卒
孫公談圃黃魯直得洪州解頭赴省試公與希聖
數人待榜相傳魯直為省元同舍置酒有僕自門被
髮大呼而入舉三指問之乃公與同舍三人魯直不
與坐上數人皆散去至有流涕者魯直飲酒自若飲

酒罷與公同看榜不少見于顏公書為其婦翁孫
莘老言甚重之

養病漫筆淳熙中王季海為相奏起汪玉山為大宗
伯知貢舉且以書達其來玉山將就道有一布衣之
友平生極相得屢黜於禮部心甚念之乃以書約其
胥會於富陽一蕭寺與之對榻夜分密語之曰某此
行或者典貢舉當特相牢籠省試程文易義冒于中
可用三古字以為驗其人感喜玉山既知貢舉搜易
卷中果有冒子用三古字者遂竟批上置之前列及
拆號乃非其友人也竊怪之數日友來見玉山怒責
之曰此非足下輕名重利售之他人何相負乃如此
友人指天誓曰某以暴疾幾死不能就試何敢洩漏
于他人玉山終不釋未幾以古字得者來謁玉山因
問之曰老兄頭場冒子中用三古字何也其人泯默
久之答曰茲事甚怪先生既問不敢不以實對某之
來就試也假宿于富陽某寺中與寺僧閒步廡下見
室下一棺塵埃漫漶僧曰此一官員女也殯于此十
年矣杳無骨肉來問又不敢自葬之因相與默然是
夕夢一女子行廡下謂某曰官人赴省試妾有一語
相告此去頭場冒子中可用三古字必登高科但幸
勿相忘使妾枯骨早得入土既覺甚怪之遂用其言
果叨前列近已往寺中葬其女矣玉山驚歎

齊東野語吳興人談重元鼎少領鄉薦不第晚就南
廊更數試復不入等章文莊兄弟皆與之同舍嘉定
戊辰文莊兄弟在朝談入京將更試請曰二兄何以
授我乃相與作備對數十付已而文莊入為考官得
談卷甚喜所批稍高編排當在上二等已而日名器

不可以故人私之但使脫助教足矣於是稍移向下
既而算計四等合放若干而談之名適在末等之首
竟垂翅而歸一文學之微造化亦斬之耶

睽車志龍舒人劉觀仕平江許浦監酒其子堯舉字
唐卿因就嘉禾流寓赴試微舟而行舟人有女堯舉
調之舟人防閑甚嚴無由得聞既引試舟人以其重
為棘園無它慮也日出市貿易而試題皆唐卿私課
既得出院意甚歡此兩場皆然遂與舟女得諧私約
觀夫婦一夕夢黃衣一人馳至報榜云郎君首薦觀
前欲視其勝適一人忽擊去云劉堯舉近作欺心事
天符殿一舉矣覺言其夢協而頗驚異俄而拆卷堯
舉以難犯見黜主文皆歎惜其文既歸觀以夢語之
且詢其近作何事匿不敢言次舉果首薦於舒然至
今未第也

齊東野語王常呂仲衡知紹興郡舉進士有為二試
卷異其名皆中選黜者不厭譁然訴之王呼其首問
曰爾生幾何年凡幾試矣眾謂憐其潦倒則皆以老
於場屋對王曰會中選否正為累試皆不利也王忽
作色曰爾曹累試不一得彼一試而兩得尚敢訴耶
叱而出之

中洲野錄宋程端字希鳳饒人也號梧岡幼抱才猷
與同郡馬廷鸞相友馬先魁天下以書報梧岡曰秋
風槐黃捷吏已經始而疑終而信已而果然豈意劉
黃下第我輩登科寧無厚顏耶公亦不介意公亦知
命與時違非文之咎遂退隱居清白自守談道自娛
雖馬登政府公亦未嘗以仕進干嘗誅梅詩云清淺
溪橋水短長籬外枝這些風骨異瘦盡古今詩此可

以想見其清才峻節云

樂善錄侍郎孫公初名洪少時與一同舍生游太學相約無得隱家訊一日同舍生得書秘不以示孫詰之生曰非敢隱也第奮書中語于公進取似不便孫曰何害某正欲知所避就生出書示之書云昨夢至一官府恍若閱登科籍汝與孫洪皆列名籍中內孫洪名下有朱字云于某年月日不合寫某離書為上天所譴不得過省孫閱書愕然生曰豈公果有是事乎孫曰有之向者東上在某州適見某翁嫗相語求離某輕易為寫離書初無他意不謂上帝譴責乃爾生曰夢寐恍惚亦何足信如公高才碩學倘拾無疑孫終快快及就試生果高中而孫下第方信前夢為不誣也生曰某西歸當為合之以契天心因問孫鄉所遇離離人姓字尋跡其處得之夫婦俱未有偶生為具道一段因緣置酒合之如初乃馳書報孫孫不勝感悅其後孫以太學內舍生免省歷歷歷仕屢典大郡所至有離昏之事未嘗不宛轉調議輒舉二丈夫子亦同舍生有以全之乃公祇畏天譴之功也此事外舅何雅州親聆其說于公今錄之使人知所畏避云

金史納坦謀嘉傳謀嘉上京路牙塔懶猛安人初習策論進士大定二十六年選入東宮教鄂王琚瀛王瓊讀書以終場舉人試補上京提刑司書史完顏匡傳匡中禮部策論進士是歲世宗在上京顯宗監國二月甲辰御試前一日癸卯讀卷官吏部侍郎李晏棧州防禦使把內刺國史院編修官來古衛國子助教尼龐古鑑進策題開契數五教皇陶明

五刑是以刑措不用比屋可封今欲興教化措刑罰振紀綱施之萬世何術可致匡已試明日入見顯宗問對策云何匡曰臣熟觀策問敷散措刑兩事不詳振紀綱一句祇作兩事對策必不能中顯宗命匡誦所對策終篇曰是亦當中匡曰編修衡助教鑑長子選校必不能中已而匡果下第顯宗惜之謂侍臣曰我只欲問教化刑罰兩事乃添振紀綱一句命刪去李晏固執不可今果誤人矣謂侍正石敦寺家奴唐括昂答曰侍讀二十一年府試不中我本不欲侍讀再試恐傷其志今乃下第使人意不樂是歲初取四十五人顯宗命添五人僕散說可中在四十五人後除書畫直長匡與說可俱為侍讀匡被眷遇特異顯宗謂匡曰汝無以說可登第快快但善教金源郡王何官不可至哉

明通紀至正十九年正月樂平儒士許瑗謁見瑗聰明過人至正初兩以易經舉于鄉皆第一及會試不第放浪吳越間每醉輒大言自負至是謁上于金華日方今元祚垂盡四方鼎沸棄僕之士勢不能安夫有勇略者乃可驅雄才有奇識者然後能知奇士閣下欲掃除僭亂平定天下非收攬英雄難與成功上曰今四方紛擾民困塗炭予用英雄有如饑渴方廣攬羣議博收衆策共成康濟之功瑗曰如此實帝王之道天下不難定也上喜即授博士留帷幄參預謀議未幾以太平為股肱郡命瑗為知府兼葭葭堂雜抄吳中名士陸楠登鄉薦上南宮不售歸過揚州鈔關有部官司關欲稅其舟楠投一詩云獻策金門苦未收歸心日夜伺東流扁舟載得愁千斛

幸有明王不稅愁其官見詩迎而禮之下第士聞者莫不為之絕倒

列朝詩集桑悅字民懌年十九領成化乙酉鄉薦會試春闈策有曾中有長劍一日幾回磨等語為吳簡討汝賢所黜又作學以至聖人之道論有我去而夫子來等語為丘學士仲深所黜三試得一榜

江南通志江作楫字濟臣歙人入棘闈主司奇其文擬首薦以策斥魏璫置之名噪南闈

張鳳翼字伯起長洲人嘉靖甲子舉于鄉四上春官報罷歎曰母老矣尚僕僕三千里外而忘朝夕倚閭耶遂歸杜門讀書養母以終其身

程之魯字禹璜懷寧人萬曆丙午入闈主司因乾清宮災發策舉五行為商奮援引洪範傳並鴻烈諸說更出主司意表反疑而置焉

明外史顧成傳成封鎮遠侯裔孫震無子從子承先嗣侯僉書前府事已侯猶應科舉試七試不利嘗語人曰吾憑藉國恩冠蟬圍玉貴顯矣然使得列名賢書吾豈以彼易此其風尚如此

陝西通志劉子誠己丑為楊啓元擬元與他房陶望齡爭或因北卷欲置第二楊不平置之曰斯人道學淵懿議論瑩徹非吾曹所及因刊其卷布長安

眉公見聞錄霍渭野公曾送一舉人于魏壯渠先生處云此下第舉人也憐其才故令見公壯渠先生方待醫診母脈在堂上舉人入謁先生云且勿拜候診脈完既而扶母于內出謂舉人云論平日宜試一文今日無暇且講書罷舉人竭盡生平之力講書一章公搖首云渭野惜吾子下第以為有司屈了秀才今

看來還不屈

下部雜錄

雲仙雜記進士不第者親知供酒肉費號買春錢劇談錄自大中咸通之後每歲試春官者千餘人其間章句有闕疊疊不絕如何植李政皇甫松李端犀梁望毛濤貝麻來鶴實隨以文章著美溫庭筠鄭渾何涓周鈴宋軾沈駕周繁以詞賦標名賈島平會李陶劉得仁喻坦之張喬劇燕許琳陳覺以律詩流傳張維皇甫川郭郭劉延輝以古風擅價皆苦心文華厄於一第然其間數公麗藻英詞播於海內其虛薄叨聯名級者又不可同年而語矣

江表志國中銜至竟者多立於御橋下謂之拜橋甚者操長釘攜巨斧而釘脚者又有闢入立於殿庭之下者爲拜殿進士會凱南省下第其實釘足謝必下第立殿稱冤舉人之風掃地矣

清波雜志紹聖丁丑章持魁南省時有詩何處難忘酒南宮放榜時有才如杜牧無勢似章持不取通經士先收執政兄此時無一盡何以展愁眉紹興間秦伯鳴魁多士汪彥章啓賀其父以南宮進士對東閣

郎君尚疑爲護己其敢顯斥如前之詩乎韓持國維寶元間偕兄弟應進士舉預南省奏名而下第士子有韓家四子連名之嘲蓋以其父忠憲公見在政路也時殿試尚黜落有司因故黜之公後遂不復試而兄弟皆再登第故路公謂南省會預高薦繼歷內外制知貢舉至登門下省不更賜出門初亦召試玉堂不就公之五世孫元吉尚書特書此于桐陰舊話甚詳貴游子弟當攷其素業不應例待以青梁唐李德裕初不由科甲驟

上座錄長安舉子六月後落第者不出京剝口過夏借淨坊廟院作文章曰夏課時語曰槐花黃舉子忙故翁承贊有詩云雨中粧點望中黃勾引蟬聲噪夕陽憶得當年隨計吏馬蹄終日爲君忙

鼠璞雲溪友議載元和下第士人多爲詩刺主司獨章孝標爲歸燕詩留獻侍郎庾承宣云舊累危巢泥已落今年故向社前歸連雲大厦無棲處更望誰家門戶飛承宣吟諷恨遠才及重典禮闈孝標擢第青瑣高議載唐僖宗時于化成依中丞蔡授門館一日告去作燕離巢詩主人復留之與前章一同但改落字爲嚙豈化成竊孝標之舊什將青瑣所傳之繆耶天定錄張退翁都下人有言懷詩云命交隨分樂天賜一生閒場屋有聲而不第亦詩之識

雲麓漫抄國朝進士累舉不第者限年許赴特奏名號爲恩科在漢初平三年九月甲午試儒生四十餘人上號賜位郎中次太子舍人下第者罷之詔今者儒年踰六十去離本土營求糧資不得專業結童入學白首空歸長委農野末絕榮望其依科罷者聽爲

太子舍人即今之恩科也詳此則知唐制大凡補官爲大理評事著作佐郎郎中之類當時以爲官稱不理事別有兼守判知之官則知漢補郎中太子舍人亦不領事以爲此官各耳不然郎中舍人何其冗也容齋續筆唐文宗太和二年三月親策制舉人賢良方正劉蕡對策極言官官之禍既而裴休李邵等二十二人中第皆除官考官左散騎常侍馮宿太常少卿賈餗庫部郎中龐嚴見蕡策皆歎服而畏宦官不敢取詔下物論鬱然推屈禮官御史欲論奏執政抑之李邵曰劉蕡下第我輩登科能無厚顏乃上疏以爲蕡所對策漢魏以來無與爲比今有司以蕡指切左右不敢以聞恐忠良道窮窮細紀逐絕臣所對不及蕡遠甚乞同臣所授以旌蕡直不報予按是時宰相乃裴度韋處厚實易直不足言裴韋之賢顧獨失此至於抑賢者使勿論奏豈不有愧於心乎蕡既由此不得仕於朝而李邵亦不顯蓋無敢用之也令狐楚牛僧孺乃能表蕡入幕府待以師禮竟爲宦人所嫉誣貶柳州司戶李商隱贈以詩曰漢廷急詔誰先入楚路高歌自欲翻萬里相逢歡復泣鳳巢西隔九重門及蕡卒復以二詩哭之曰一叫千回首天高不爲聞又曰已爲秦逐客復作楚冤魂併將添淚淚一灑問乾坤其悲之至矣甘露之事相去纔七年未知蕡及見之否乎

容齋四筆唐昭宗乾寧二年試進士刑部尚書崔凝下二十五人放榜後宜詔翰林學士陸扈秘書監馮渥入內于武德殿前復試但放十五人自狀頭張貽範以下不許再入蘇楷其一也故陳此憾至于駭昭

宗聖文之謚崔凝坐貶合州刺史是時國祚如贅疣
悍鎮強藩請隨問鼎之不暇顧慘惓若此其再試也
詩賦各二篇內良弓獻問賦以太宗問工人木心不
正脈理皆邪若何道理十七字皆取五聲字依輪次
以雙調隔句爲韻限三百二十字成貽範等六人訖
唐末不復綴榜蓋是時不糊名一黜之後主司不敢
再收拾也

舊傳有詩四句誦世人得意者云久旱逢甘雨他鄉
遇故知洞房花燭夜金榜掛名時好事者續以失意
四句曰寡婦攜兒泣將軍被敵擒失恩宮女面下第
舉人心此二詩可喜可悲之狀極矣

藝花洲閒錄集句自國初有之未盛也至石曼卿人
物開敏以文爲戲然後大著嘗見手書下第偶成云
一生不得文章力欲上青雲未有因聖主不勞千里
召姮娥何惜一枝春鳳凰詔下雖雷命豺虎叢中也
立身啼得血流無用處著朱騎馬是何人又云年去
年來來去忙爲他人作嫁衣裳仰天大笑出門去獨
對東風舞一場至元豐間王文公益工於此

敬君詩話南部新書曰杜羔妻善爲詩羔屢舉不第
未至家妻即先寄詩曰良人的是奇才何事年年
被放回如今妾面羞君面君到來時近夜來羔見詩
即時回去尋登第妻又寄詩云長安此去無多路鬱
鬱葱葱佳氣浮良人得意正年少今夜醉眠何處樓
可謂能勉其君子以正矣愚謂此詩渾是一團炎涼
氣習不失村婦口語夫既曰的是奇才則被放非
其罪也何云羞君面哉既云羞君面則勸之努力淬
勵可也何又曰近夜來哉及其得第正當喜其奇才

見庸勉以忠君愛國乃得其正而方且以年少爲羨
以青樓爲疑此婦人但知兒女襟帶中滋味烏知大
丈夫事哉

近峰記略太宗嘗命翰林院覆試下第舉人得張鉉
等六十人賜冠帶入國學以俟後舉又嘗進副榜舉
人親試之拔三人入翰林時復有揭榜進士之例

甲乙剩言余下第後吳少君忽從北來寄余一絕云
趙氏連城辨得真幾年聲價重西秦從來有眼皆能
識何意猶逢按劍人得詩數夕後夢少君曰余詩中
按劍人明日謹避之余亦不解其意明日飲朱汝修
齋頭以口語相譏趙常吉忽使酒至按劍欲甘心焉
汝修力救余得絕袖趨柱而逸趙率奴丁數里追索
此余平生所遭最大厄厄乃從朋友得之尹公佐良
爲多愧而少君一詩遂于夢中點出趙氏按劍四字
大可怪也

祐山雜說海鹽吳南溪諱昂弘治辛酉鄉試文甚得
意忽覺腹中飢不可忍恍惚間將試卷吞之至貢院
門即不飢矣謂人曰余不知何故乃有此異余終身
不第矣越三年甲子中式乙丑舉進士官至福建布
政官蹟甚著以此知人之功名不但有無係命雖其
遲速亦自有命也

菽園雜記新舉人朝見著青衫不著襴衫者聞始於
宣宗有命欲其異於歲貢生耳及其下第送國子監
仍著襴衫蓋國學自有成規也

丹鉛總錄宋處州士子終場者六人三人與選謝主
司云同慶園之觀人去者半存者半類孔門之取友
益者三損者三

讀書鏡孟郊落第詩云題詩怨還怨問易蒙還蒙本
望文字達今因文字窮至登科後詩則云昔日鯁鯁
不足誇今朝放蕩思無涯春風得意馬蹄疾一日看
盡長安花識者以此詩驗郊非遠器曹鄴及第詩云
故衣未及換尚有去年淚肩吾云憶昔將貢年把愁
此江邊二子所作皆以今年之喜而思昔日之愁猶
未能忘情于得喪也杜荀鶴老而未第詩云知己雖
然切春官未必私李方叔省試不得第而東坡領貢
舉贈之云平生謾說古戰場過眼終迷日五色山谷
和云今年持橐佐春官遂失此人難塞責座主歸過
于己門生歸命于天其賢矣乎

日知錄開府元龜唐天寶十載九月辛卯上御勤政
樓試懷才抱器舉人丙申敕曰朕祇膺寶曆殷鑒遠
圖慮草澤之遺賢降弓旌於屢辟是以三紀於茲羣
材輻輳或一言可紀必過輪轅一善有經每加獎進
庶六合之內靡然同風四科之門咸能一貫何茲意
之縮邇而增修之寂寥今者舉人深乖宿望朕之所
問必正經史卿等所答咸皆少通朕以獨鑒未周必
資會議爰命朝賢三事精加詳擇咸以爲關於聚學
莫可登科其懷材抱器舉人並放更習學其有不對
策羅嘉茂既是白丁宜於劬南效力全不答所問崔
慎感劉灣等勸爲本郡充學生之數勿許東西其所
舉官各量貶殿以示懲誠是通場皆下第也然元宗
不因是而廢此科且黜落之舉人猶稱爲卿等既無
峻切之文亦不爲姑息之政斯得之矣